

Sehlabelo sa dibe se laetša hlomphe go Modimo wa magodimong

Thero mo Lefitiko 4

Palo ya Beibele: Lefitiko 4

Temanathero: Lefitiko 4

Tabataba: Sehlabelo sa dibe se laetša hlomphe go Modimo wa magodimong

Dihlabelo ka moka tšeo re balago ka tšona mo Lefitiko ga di sa dirwa ke Bakriste lehono. Gobaneng re lebelela ka thoko ya dihlabelo tša Testamente ya kgale ka thoko e tee? Yo mongwe wa bontate yo a bitšwago Augustine o boletše ka se a re: Re ka se kgone go hlaloganya molaetša wa lentšu gabotse ge re sa tsebe Testamente ya kgale. Ge o sa tsebe tša ka gare le ka tsela eo dihlabelo dib ego di sepedišwa ka gona nakong ya Testamente ya kgale. Bjale ka ge re tseba kantle le go lemoga bohlokwa bja sehlabelo sa Jesu Kriste mo sefapanong re tliilego timelamoka.

Bjale a re theetšeng gabotse go molaetša wa moporofeta Hoseah ge a bolela mo Hoseah 4:6: 'Batho ba ka be senyegile ka lebaka la go hloka hlaloganyo.' Ge o bala mo Lefitiko kgaolo ya 4 e ka lebelega e se bose. Empa re ka se etlogele fela ka lebaka leo. Gobane ke ntlha eo e amago phološo ya gago. Ka lebaka la go hloka tebogo go sehlabelo sa Kriste.

Bjale ga re tšene bogareng bja kgaolo ye, re bone ka mo hlomphe e išwago go Modimo wa magodimong. Gobane, ge o bala ditemana tše o bonago di se bose o lebeletše ka tsela ya Kriste, yo a bilego nku ya sehlabelo. Temana ye e tliile go ba e makatšago gomme ya re laetša mabobo ao re tliilego go a bona ka lebaka la Kriste.

Mo Lefitiko 4 ditaetšo di bušeletšwa ganne. Nakong yengwe le yengwe o bonagala go motho yo mongwe ka tsela e: e ka ba moperisita (verses 1-12), goba balsiraele ka moka (verses 13-21), goba moeta pele (verses 22-26), goba motho yo mongwe yo a tšwago gona mo setšhabeng (verses 27-35). Go bušeletšwa ditaelo tšona tše, empa karolo ya sehlabelo ga di lekane, go lebeletšwe gore motho o na le se sekae.

Sehlabelo se sa dibe, seo re balago ka sona mo Lefitiko 4, se lebeletše kudu madi. Lebaka ke gore madi a tloša dibe.

Ana ke dibe tše bjang tšeo re balago ka tšona mo? Temana ya bobedi e bolela gore: 'Ge motho a dira sebe e se ka maikemišetšo...' Nke ke bolele mohlala: motho yo mongwe o ya gae ka koloi. Ke bošego e bile o lapile, ka lebaka leo a swara ke boroko ge a otlela. A sa lemoge, koloi ya gagwe ya sepelela ka lehlakoreng leo e sego la gagwe, gomme ya thula koloi yengwe, gomme ditlamorago ya ba gore mootledi wa koloi yengwe oa hlokofala. Se e be e se maikemišetšo. E be e se maikemišetšo a monna yo gore a bolaye motho yo mongwe. Ke ka mokgwa o sehlabelo sa dibe se bego se hlaloša ka gona.

Bjale o ka botšiša. Gobaneng go swanetše gore motho a tliša sehlabelo ka tsela ye? Gobane e be e se maikemišetšo. O be a sa nyake go bolaya motho yo mongwe. Lebaka la gore Modimo a laele ka tsela ye mo sehlabelong e be e le gore sebe se tlošwe gobane Modimo ke o mokgethwa. Bjalo ka ge re bala mo Habakuku 1:13 ka Modimo: Mahlo a gago ke a mabotse go ka lebelela bobe; ga o rate diphošo. Bokgethwa bja gagwe bo fiša dilo ka moka tšeo di tshilafetšego.

Le ge go le bjalo re a tseba go tšwa mo Beibeleng gore Modimo wa magodimong o rata gore boelanya ka kgwerano go batho ba gagwe ba dibe gore a dule le bona. Bjale ke ka lerato la gagwe leo le motlišago kगतong ye: thatathata lebaka la molao go lebeletšwe sehlabelo sa dibe. Sehlabelo sa dibe se be se mo kgoniša, Modimo wa magodimong, go tšwela pele go dula ka gare go batho ba badiradibe. Madi a sehlabelo sa dibe a be a khupetša dibe – lebakanyana.

Ka kgonthe, ke lerato la Modimo leo le dutšego mo godimo ga sehlabelo sa dibe. Lerato la Modimo ga le rate sebe mo kgolaganong ye. Bjalo ka ge monna wa lerato a sa nyake ge mosadi wa gagwe a timela gomme a robala le banna ba bangwe. Gobane ga go na nnete le lerato leo le lokilego magareng ga bona. Modimo ga a rate se sengwe le se sengwe seo se tshilafetšego kgolaganong ye. Le mo kgolaganong magareng ga Modimo le batho bao ba dirilego dibe e se ka maikemišetšo di swanetše go ka khupetswa. Gomme ka lebaka leo sehlabelo sa dibe se be se direga.

Ke ka lebaka la kgaugelo gore Modimo a dule mo gare ga batho ba gagwe. Gomme ka ditaelo tša sehlabelo sa dibe re bona maikemišetšo a gagwe a go tliša tokologo le motho wa go dira dibe. Empa e re ke go botše se: e be e le ka nnete go ka tšea tsela e sa kgonišego. Gobaneng ke bolela se? E be e le go tšea matengwa, ga o lebelela ka tsela ya bo motho! Gobane ge Modimo wa magodimong a theogile gore a tle go batho ba go dira dibe, e be e le matengwa a magolo! Yo mongwe le yo mongwe yo a kopanago le Modimo bokgethweng bja gagwe – ba lebelelane – o tliile go tšhungwa ke bokgethwa bja gagwe! Ga go kgonege gore motho a ka bona Modimo gomme a phela. E ka ba go yo a bego a lokile a na le boikokobetso ke ra yena Moshe, ka lebaka leo re bala mo Testamenteng ya kgale, gore Modimo o theogile go dula ka gare ga batho ba gagwe, le ga go le bjalo o iphihlile mo bokgethweng bja gagwe ka tabernakeleng. Ga go motho yo a bego a dumeletšwe go ka tsena mo. Ga tee fela mongwageng moperisita e mogolo o be a dumeletšwe go tsena – empa se bohlokwa – o be a tsena a swere senwelo se tletše madi. Gomme kgaušwi lefelo go gokgethwa e be e le tulo e kgethwa mo baperisita ba bego ba dumeletšwe go ka tsena, fela ka mabaka ao a beilwego. Gomme ka tsela engwe Modimo wa mogodimong o dutše ka gare ga batho ba gagwe – e le lebaka la kgaugelo. Gomme ka tsela engwe batho ba be ba kgona go ka lebanya difahlego le yena. Se e be e le tsela ya bona ya goihlokomela. Go se go bjalo ba be ba tla tshungwa ke mollo wa bokgethwa bja gagwe.

Lebaka la madi e be e le go šupa se. Madi a diphoofolo a be a dirilwe se ka lebakanyana. A šupa gore madi a motho a swanetše go tšhollwa gobane batho ba dirile sebe. Empa mo lebakeng leo Modimo o be a lebeletše madi a diphoofolo. Ka lebaka leo moperisita o tla tsena tabernakeleng a swere senwelo se tletšego madi. A tliša seka, ka molaetša o mogolo ge a dumeletšwe go ka phela, gomme Modimo a rata go ka dula ka gare ga batho ba gagwe.

Gabotse, Modimo ka bokgethwa bja gagwe o laetše gore dibe tšohle diphumulwe ka seka sa madi a diphoofolo, le dibe tšeo di dirilwego e se ka maikemišetšo. Gomme tšhollo ya madi a diphoofolo a be a kgonatša gore kgolagano ye e tšwela pele, gore Modimo o ka gare ga batho. Madi a diphoofolo a be a sa kgone go tloša dibe tša motho, empa a be a dikhupetša fela. E hlolegile – ke tla e bea ka tsela e – goba bootee magareng ga mollo o mokgethwa Modimo le batho ba go dira dibe, go be go kgonatša gore badiradibe ba kgone go tšwela pele ba phele. Go khupetswa ga dibe ka madi a diphoofolo go tšwetše pele mehla yohle ya Testamenteng ya kgale, go fihlela letšatši le Kriste a tlogo ka lona. Ge a ehwa mo sefapanong, ge madi a gagwe a be a tshollwa, tšohle di ile tša fetoga. Go tloga mo go khupetswa ka madi a diphoofolo go ile gwa se sa hlokega. Madi a Kriste ga se a khupetša dibe empa a di tlošitše, ka lebaka la gore lehono re phele ka tlase ga Modimo. Gomme re ka ipolela: Modimo Moya o Mokgethwa o tletše ka gare ga rena! Re a kgona – ka kgaugelo le tshwarelo ya Kriste – Modimo o lokafatša ditempele ka Moya o Mokgethwa. Se ke mohlolo! E bile ke maemo a magolo!

Re ka ithuta eng mo temaneng ye? Sa mathomo, o se nyatše sebe. O se ke wa gopola bobbe, le ge ka ba e se ka maikemišetšo ga di bohlokwa. Lemoga, mo pele ga Modimo, maphelo a rena mo lefaseng a tletše bobbe. Le ka tsela eo re ka gopolago ka gona! Ga re ikokobetšeng, ga go letšatši le letee leo nna le wena re ka se dirego sebe! Sehlabelo se sa dibe mo Lefitiko 4 ka nnete se re bula mahlo. Se re tliša pele ga bokgethwa bja Modimo. Se go laetša go hlompha bogolo bja bokgethwa bja Modimo, Modimo wa magodimong. A na o lemoga gore o modiradibe? A o lemoga gore o ka se kgone go iphološa? Gore o tliile go senyega mo sebeng sa gago, le gore o tliile go senyega go ya

go ile, ge Kriste a sa tle a go thuša? Ana o lemoga gore le ge o leka go phela bophelo bjo botse, go sa na le dibe le tšeo di sa tlogo mo bophelong bja gago, tšeo o sa lemogego gore di a tla. Mo mahlong a Modimo maphelo a rena a tletše bobbe, ga go tsela le ge e le e tee ye re ka tlogo go Modimo re sa itshole ge e se ka Kriste.

Go akaretša: re ithuta ka sehlabelo sa dibe ka lehlakoreng la go ikokobetša. Le go ka hlokomela ge re etla go Modimo. Ga o selo, ka nnete, ga o selo, kante le Kriste. Gomme seo ke sa bobedi: sehlabelo se sa dibe se go iša go Kriste. Ge o ka lemoga bohlokwa bja sebe se sengwe le se sengwe, le dibe tšeo e sego tša maikemišetšo, le gore o swanetše go dira sehlabelo, gomme wa amogela le go fetiša seo Kriste a go diretšego sona. Gomme o lemoga gore go swanetše letšatši le letšatši, gore o kgopele tshwarelo ya dibe tša gago, le tšeo disa tlogo, le dibe tšeo o sa lemogego gore o di dirile, gomme Modimo ka bokgethwa bja gagwe o a di bona. Kante le madi a Kriste, re be re timetše moka. Tumišo ga e išwe go nku e lego Jesu Kriste yo a hlokofadišwego ka lebaka la rena.

Amene.